



www.qbz.gov.al

# Buletini i Njoftimeve Zyrtare I REPUBLIKËS SË SHQIPËRISË

Botim i Qendrës së Botimeve Zyrtare

Viti: 2023 – Numri: 17

**Tiranë – E mërkurë, 24 maj 2023**

## PËRMBAJTJA

|                                                                                | Faqe                                                                                                                        |
|--------------------------------------------------------------------------------|-----------------------------------------------------------------------------------------------------------------------------|
| Urdhër i ministrit të Drejtësisë<br>nr. 333, datë 10.5.2023                    | Për zgjedhjen e anëtarit të Bordit Disiplinor të Dhomës Kombëtare të<br>Noterisë..... 3                                     |
| Njoftim i Komisionit të<br>Pavarur të Kualifikimit<br>nr. 2258, datë 22.5.2023 | Për shpalljen e 1 (një) vendi vakant për pozicionin e Këshilltarit Ligjor<br>në Komisionin e Pavarur të Kualifikimit..... 4 |





## URDHËR

Nr. 333, datë 10.5.2023

**PËR ZGJEDHJEN E ANËTARIT TË  
BORDIT DISIPLINOR TË DHOMËS  
KOMBËTARE TË NOTERISË**

Në mbështetje të nenit 102, pika 4, të Kushtetutës së Republikës së Shqipërisë; të nenit 7, pika 2, të ligjit nr. 8678, datë 14.5.2001, “Për organizimin dhe funksionimin e Ministrisë së Drejtësisë”, të ndryshuar; të shkronjës “a”, të nenit 42, të ligjit nr. 110/2018, “Për noterinë”, të ndryshuar; si dhe të urdhrit të ministrit të Drejtësisë nr. 169, datë 10.6.2020, “Për miratimin e rregullave të hollësishme për paraqitjen dhe trajtimin e shprehjeve të interesit; si dhe verifikimin e plotësimit të kushteve ligjore për anëtarë të Bordit Disiplinor”,

## KONSTATOJ:

Në vijim të kërkesës për shprehje interesi për t'u zgjedhur anëtar i Bordit Disiplinor të Dhomës Kombëtare të Noterisë, për shkak të mbarimit të parakohshëm të mandatit të njërit prej dy anëtarëve të cilët zgjidhen nga ministri i Drejtësisë, të publikuar më datë 30.1.2023 në Buletinin e Njoftimeve Zyrtare, janë paraqitur kandidaturat të cilat kanë shprehur interes, sipas parashikimeve të nenit 42, të ligjit nr. 110/2018, “Për noterinë”, të ndryshuar.

Në zbatim të urdhrit të ministrit të Drejtësisë nr. 198, datë 6.3.2023, “Për ngritjen e grupit të punës për trajtimin e shprehjeve të interesit, si dhe verifikimin e plotësimit të kushteve ligjore për anëtarë të Bordit Disiplinor të Dhomës Kombëtare të Noterisë”, është vijuar me trajtimin e kandidaturave të paraqitura dhe verifikimin e plotësimit të kushteve ligjore.

Në përfundim të verifikimit të plotësimit të kushteve ligjore, të kandidaturave të paraqitura, ka rezultuar se dokumentacioni i paraqitur nga znj. Elsonida Rama, protokolluar pranë Ministrisë së Drejtësisë me nr. 513/1 prot., datë 23.2.2023, është dërguar brenda afatit ligjor të përcaktuar në shprehjen e interesit. Nga shqyrtimi i dokumentacionit të paraqitur rezulton, se znj. Rama ka përvojë të gjatë dhe të mirëfilltë në fushën juridike.

Konkretisht, spikat përvoja e punës si juriste në shoqëritë tregtare “Kontakt”; “Kevin Construction” dhe “AR Europroject” sh.p.k.; juriste në Njësinë e Akteve Rregullatore të Këshillit të Ministrave. Gjithashtu znj. Rama ka përvojë të gjatë edhe në nivele drejtuese si drejtor i Departamentit Juridik, Albpetrol sh.a., drejtor në shoqëritë tregtare “Kontakt” dhe “AR Europroject” sh.p.k.; drejtor në Drejtorinë e Antitrafikut dhe Migracionit në Drejtorinë e Përgjithshme Rregullatore dhe Përputhshmërisë për Rendin dhe Sigurinë Publike, në Ministrinë e Brendshme; drejtor në Drejtorinë e së Drejtës Penale dhe Civile, pranë Drejtorisë së Përgjithshme të Kodifikimit dhe Harmonizimit të Legjislacionit.

Për sa më sipër, bazuar në eksperiencën e gjatë dhe të provuar profesionale e sidomos në çështjet e së drejtës civile, e në aspekte të cilat lidhen me veprimtarinë që ushtrojnë noterët publikë, rezulton se znj. Rama plotëson kriteret e parashikuara në nenin 42, pika 2, të ligjit nr. 110/2018, “Për noterinë”, të ndryshuar, dhe urdhrin e ministrit të Drejtësisë nr. 169, datë 10.6.2020, ndaj në këto kushte,

## URDHËROJ:

1. Zgjedhjen e znj. Elsonida Rama si anëtare të Bordit Disiplinor të Dhomës Kombëtare të Noterisë.

2. Mandati i znj. Elsonida Rama, si anëtare e Bordit Disiplinor të Dhomës Kombëtare të Noterisë, është mandat plotësues dhe përfundon në datën 31.12.2026.

3. Ngarkohet Sektori i Arkiv-Protokollit për marrjen e masave dhe njoftimin e këtij urdhri, znj. Elsonida Rama, Dhomës Kombëtare të Noterisë, si dhe Shkollës së Magjistraturës.

4. Ky urdhër publikohet në faqen zyrtare të Ministrisë së Drejtësisë dhe në Buletinin e Njoftimeve Zyrtare të Republikës së Shqipërisë.

Ky urdhër hyn në fuqi menjëherë.

MINISTËR I DREJTËSISË  
**Ulsi Manja**



**NJOFTIM**  
**Nr. 2258, datë 22.5.2023**

**PËR SHPALLJEN E 1 (NJË) VENDI  
VAKANT PËR POZICIONIN E  
KËSHILLTARIT LIGJOR NË  
KOMISIONIN E PAVARUR TË  
KUALIFIKIMIT**

Në zbatim të nenit 22, të ligjit nr. 84/2016, “Për rivlerësimin kalimtar të gjyqtarëve dhe prokurorëve në Republikën e Shqipërisë”, Komisioni i Pavarur i Kualifikimit shpall fillimin e procedurave për personat e interesuar që kërkojnë të aplikojnë për pozicionin e këshilltarit ligjor, me kategorinë e pagës: 80% e G3.

**Kandidati duhet të plotësojë kërkesat e mëposhtme:**

a) të ketë përfunduar ciklin e dytë të studimeve universitare për drejtësi me diplomë “Master shkencor”, në Shqipëri, ose studimet universitare për drejtësi jashtë vendit dhe të ketë marrë diplomë të njësuar sipas legjislacionit në fuqi për njësimin e diplomave;

b) të zotërojë shumë mirë gjuhën angleze;

c) të ketë shtatë vjet përvojë pune në sistemin e drejtësisë ose në administratën publike.

**Kushte të përgjithshme:**

- kandidatët duhet të plotësojnë kriteret për t’u pajisur me certifikatë sigurie, sipas vendimit nr. 188, datë 4.3.2015, të Këshillit të Ministrave;

- ndaj tij të mos jetë nisur procedim penal dhe të mos jetë dënuar me vendim të formës së prerë

për kryerjen e një krimi ose kundërvajtjeje penale;

- ndaj tij të mos jetë marrë masë disiplinore me largim nga detyra ose ndonjë masë tjetër disiplinore, e cila është ende në fuqi sipas legjislacionit, në momentin e aplikimit;

- kandidatët duhet të kenë aftësi për t’u përshtatur dhe për të punuar në grup, nën presion, si dhe në afate kohore të limituara.

**Kandidati i interesuar duhet të dorëzojë dokumentet e mëposhtme:**

- kërkesë me shkrim, shprehje interesi;

- jetëshkrim profesional, përfshirë të dhënat e kontaktit, postën elektronike zyrtare dhe adresën postare;

- kopje të dokumenteve: diplomë, letërnjoftim dhe librezë pune (origjinale ose të noterizuara);

- dëshmi penaliteti;

- vlerësimin e fundit nga eprori direkt;

- çdo dokumentacion tjetër që vërteton plotësimin e kushteve të mësipërme, si dhe trajnimet, kualifikimet, arsimin shtesë, vlerësimet pozitive apo të tjera të përmendura në jetëshkrim.

Aplikimet duhet të dorëzohen brenda datës **12 qershor 2023**, pranë institucionit të Komisionit të Pavarur të Kualifikimit, në adresën: Rruga e Kavajës, ish-godina “Lidhja e Shkrimtarëve”, Tiranë, Zyra e Protokollit, nga e hëna–të premte, ora 08:30–17:00, ose nëpërmjet postës elektronike në adresën: info@kpk.al, që konfirmon marrjen e aplikimit përkatës.







Buletini i Njoftimeve Zyrtare shpërndahet falas në çdo pikë të Postës Shqiptare.  
Përmbajtja e Buletinit Zyrtar mund të konsultohet falas dhe pranë Qendrës së Botimeve Zyrtare.

*Shënim: Ky dokument është gjeneruar dhe vulosur me anë  
të një procedure automatike nga një sistem elektronik  
(Qendra e Botimeve Zyrtare)*

Tiranë, 2023